

Nombor kad pengenalan:Nama :

900/2

STPM 2020

PENTAKSIRAN PUSAT SEMESTER 2
STPM TAHUN 2020

PENGAJIAN AM
SEMESTER 2

(Satu Jam Tiga Puluh Minit)

Arahan kepada calon:

JANGAN BUKA KERTAS SOALAN INI SEHINGGA ANDA DIBENARKAN BERBUAT DEMIKIAN.

Kertas ini mengandungi tiga bahagian iaitu Bahagian A, Bahagian B, dan Bahagian C.

*Calon dikehendaki menjawab **semua** soalan dalam Bahagian A dan **satu** soalan Bahagian B dan **satu** soalan dalam Bahagian C.*

Calon dikehendaki menjawab soalan dalam Bahagian A pada ruang yang disediakan.

Gunakan helaian jawapan bagi menjawab soalan dalam bahagian B dan kertas graf dalam bahagian C.

Mulakan setiap jawapan pada helaian kertas yang baharu dan susun jawapan anda mengikut tertib berangka. Ikat helaian jawapan anda bersama dengan kertas soalan ini.

Markah untuk tiap-tiap bahagian soalan dan soalan diberikan dalam tanda kurung [].

Untuk kegunaan pemeriksa	
<i>Bahagian A</i>	
1	
2	
3	
4	
<i>Bahagian B</i>	
<i>Bahagian C</i>	
Jumlah	

Kertas soalan ini terdiri daripada 5 halaman bercetak.

Bahagian A (15 markah)

Jawab **semua** soalan

1. Nyatakan **empat** kepentingan perkembangan ekonomi kepada negara [4]

- (i)
- (ii)
- (iii).....
- (iv).....

2. Terangkan **dua** cabaran yang dihadapi oleh rakyat untuk menghayati prinsip Rukun Negara yang keempat [4]

- (i)
- (ii)

3. Huraikan **dua** kesan krisis bekalan air bersih kepada pengguna [4]

- (i)
- (ii)

4. Nyatakan **tiga** dasar yang berkaitan dengan setiap objektif berikut. [3]

Objektif	Dasar
i. Memastikan keperluan asas individu, keluarga dan masyarakat dipenuhi.	
ii. Mengukuhkan perpaduan bangsa dan negara melalui kebudayaan	
iii. Membentuk masyarakat yang sihat,berdisiplin dan bersatu padu	

Bahagian B (20 markah)

Jawab satu soalan sahaja dalam bahagian ini. Jawapan hendaklah dibuat pada kertas graf

5. Berdasarkan maklumat yang diberi dalam petikan di bawah, sediakan graf yang sesuai untuk menunjukkan bilangan pengusaha produk industri asas tani mengikut kategori produk dan aliran jumlah jualan produk industri asas tani di Malaysia dari tahun 2014 hingga tahun 2017.

Wawasan negara untuk mencapai negara maju pada tahun 2020 berasaskan perindustrian tidak bermakna sektor pertanian diabaikan. Pertanian adalah perniagaan. Pertambahan bilangan pengusaha dalam produk industri asas membuktikan perkembangan sektor pertanian di negara ini.

Pengusaha produk ini terbahagi kepada dua iaitu pengusaha makanan tradisi dan pengusaha makanan sejuk beku. Pada tahun 2014, bilangan pengusaha makanan tradisi seperti baulu, dodol dan wajik seramai 1724 orang bertambah menjadi 3147 orang pada tahun berikutnya. Pertambahan penduduk menjadikan bilangan pengusaha makanan tradisi bertambah setiap tahun. Pada tahun 2016, bilangan pengusaha makanan tradisi adalah sebanyak 3000 orang dan bertambah sebanyak 100 orang pada tahun 2017.

Bilangan pengusaha makanan sejuk beku seperti karipap, samosa dan pau pada tahun 2014 seramai 1445 orang. Bilangan pengusaha makanan sejuk beku paling ramai pada tahun 2017 iaitu seramai 1700 orang bertambah sebanyak 66 orang dari tahun sebelumnya. Manakala pada tahun 2015 seramai 1638 orang pengusaha makanan sejuk beku. Pertambahan berlaku setiap tahun kerana permintaan yang semakin bertambah kesan perubahan citarasa anggota masyarakat pada masa kini.

Jualan produk industri asas tani menunjukkan peningkatan berterusan dalam tempoh 2014 hingga tahun 2017. Pada tahun 2017, nilai jualan produk industri asas tani paling tinggi iaitu RM950.50 juta manakala nilai jualan paling rendah adalah pada tahun 2014 iaitu sebanyak RM713.93 juta. Nilai jualan produk industri asas tani pada tahun 2015 adalah berjumlah RM912.50 meningkat sebanyak RM23.09 juta pada tahun 2016. Jualan yang meningkat ini menambah pendapatan pengusaha dan turut menambah pendapatan negara.

Kerajaan amat menekankan perkembangan sektor pertanian dalam pembangunan negara kerana sektor pertanian merupakan sumber makanan dan juga bahan mentah bagi sektor industri. Sektor pertanian menyediakan peluang pekerjaan yang banyak pada negara.

(Disesuaikan daripada Perangkaan Agromakanan 2018,
Kementerian Pertanian dan Industri Asas Tani Malaysia)

6. Berdasarkan maklumat yang diberikan dalam petikan di bawah ini, sediakan graf yang sesuai untuk menunjukkan bilangan kapal yang tiba dan kapal yang belayar di pelabuhan terpilih Malaysia dari tahun 2013 hingga tahun 2015

Perkembangan ekonomi negara dapat dinilai dari segi banyaknya eksport dan import. Pelabuhan penting untuk perdagangan antarabangsa. Beberapa pelabuhan di Malaysia menunjukkan peningkatan kapal yang tiba dan juga kapal yang belayar. Namun, terdapat juga yang menunjukkan penurunan.

Antara pelabuhan yang menunjukkan kedatangan kapal yang banyak ialah Pelabuhan Tanjung Pelepas di Johor. Pada tahun 2013, bilangan kapal yang tiba sebanyak 3330 buah, menurun kepada 3220 buah pada tahun berikutnya. Manakala pada tahun 2015 menurun lagi sebanyak 423 buah. Penurunan ini berlaku kemungkinan kesan penambakan laut negara jiran yang menyebabkan masalah pada kapal-kapal yang bersaiz besar. Ketibaan kapal yang semakin menurun turut menjejaskan kapal yang belayar dalam tempoh berkenaan. Pada tahun 2013, kapal yang belayar sebanyak 3320 buah menurun kepada 3213 buah pada tahun 2014 dan pada tahun 2015 berkurang lagi sebanyak 431 buah.

Pelabuhan Kuching mengalami peningkatan kapal yang berlabuh dalam tempoh 2013 hingga 2015. Bilangan kapal yang tiba di pelabuhan ini paling banyak pada tahun 2015, iaitu 1512 buah meningkat sebanyak 89 buah dari tahun sebelumnya, manakala pada tahun 2013 sebanyak 1354 buah. Kapal yang belayar dari Pelabuhan Kuching dalam tempoh berkenaan juga mengalami peningkatan. Hal ini berlaku kesan pembangunan yang semakin rancak di negeri Sarawak. Pada tahun 2013 bilangan kapal yang belayar sebanyak 988 buah meningkat menjadi 1001 buah pada tahun 2014. Manakala pada tahun berikutnya bilangan kapal yang belayar terus meningkat sebanyak 443 buah.

Perkembangan ekonomi di negeri-negeri Pantai Timur Semenanjung, memberi kesan kepada Pelabuhan Kuantan. Dalam tempoh 2013 hingga 2015, bilangan kapal yang tiba dan kapal yang belayar di pelabuhan ini semakin meningkat. Ketibaan kapal pada tahun 2013 sebanyak 1860 buah. Pada tahun yang sama, bilangan kapal yang belayar adalah menyamai dengan kapal yang tiba di pelabuhan ini. Pada tahun 2014, kapal yang tiba adalah sebanyak 1980 buah, meningkat kepada 1988 buah pada tahun 2015. Kapal yang belayar pada tahun 2014 adalah sebanyak 1980 buah, meningkat sebanyak 8 buah pada tahun 2015.

(Dipetik dan diubahsuai daripada Jabatan Perangkaan Malaysia, 2016)

Bahagian C [25 markah]

Pilih satu daripada tajuk di bawah ini dan tulis karangan yang panjangnya antara 300 hingga 350 patah perkataan.

7. Sejak kebelakangan ini, peningkatan harga barangan keperluan asasi telah menimbulkan pelbagai kesan negatif kepada rakyat. Justeru itu, kerajaan perlu mengambil beberapa langkah untuk mengatasinya. Bincangkan

8. Penciptaan pelbagai gajet memudahkan kehidupan manusia namun begitu, jika kemudahan ini disalahgunakan boleh mendatangkan kemudaratan. Jelaskan

SOALAN TAMAT
